



Tužilaštvo - Tužiteljstvo Bosne Hercegovine  
Тужилаштво Босне и Херцеговине

Broj: T20 0 KT 0024334 23  
Sarajevo, 24.11.2023. godine

SUD BOSNE I HERCEGOVINE  
SARAJEVO  
- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) podižem:

OPTUŽNICU

Protiv:

TOMISLAVA MARTIĆA, zvanog "Tomo" i "Brajo", [REDACTED]  
[REDACTED] rođenog [REDACTED] 1982. godine u Mostaru, [REDACTED]  
državljanina Bosne i Hercegovine i Republike Hrvatske, [REDACTED]  
[REDACTED]  
[REDACTED]  
[REDACTED]  
[REDACTED]

Što je:

Dana 02.08.2023. godine, oko 12,00 sati sa teritorije Republike Hrvatske na teritoriju Bosne i Hercegovine, preko Međunarodnog graničnog prelaza Gradina, u namjeri pribavljanja protivpravne imovinske koristi, u putničkom motornom vozilu marke

„BMW“, registarskih oznaka [REDACTED], kojim je upravljao, neovlašteno prevezao i prenio opojnu drogu "kokain" u ukupnoj količini od 508,2 grama sa teritorije Republike Hrvatske na teritoriju Bosne i Hercegovine, radi stavljanja u međunarodni promet i dalje prodaje njemu poznatom licu, znajući da se radi o opojnoj drogi "kokain", koja opojna droga je Konvencijom o psihotropnim supstancama iz 1971. godine i Popisom opojnih droga psihotropnih tvari i biljaka iz kojih se može dobiti opojna droga i prekursora („Službeni glasnik BiH“, broj: 08/06, 103/08 i 51/11) proglašena opojnom drogom i čija je proizvodnja i promet zabranjen u skladu sa odredbama Zakona o sprečavanju i suzbijanju zloupotrebe opojnih droga BiH („Službeni glasnik BiH“, broj: 08/06, 103/08 i 51/11) i Konvencije UN protiv nezakonitog prometa opojnih droga i psihotropnih supstanci iz 1988. godine, a koja opojna droga je pronađena prilikom pretresa navedenog vozila,

**Čime bi**, počinio krivično djelo Neovlašteni promet opojnim drogama iz člana 195. stav 1. KZ BiH.

**TUŽILAC TUŽILAŠTVA BiH**